

Комсомолец Вайгяль

Сембе масторнь пролетариятне, пуромода марси

ЛИСЕНДИ V-це КИЗОСЬ

ВЛКСМ-нь Мордовский
обкомть и Саранскяень
горкомть газетасна

Адресь: г. Саранск, ул. Ленина 11,
телефон № 1-72

ДЕКАБРЬ
3-ЦЕ ШИСТОНЗА
1937 КИЗОНЯ
132 (506)

Лисенди ковти 12-коть.

ОЗНАКОМИТЬ ОД ИЗБИРАТЕЛЬХНЕНЬ ВЫБОРХНЕНЬ ТЕХНИКАСНОН И ПОРЯДКАСНОН МАРХТА

Тюжятт комсомолец—агитаторхт, пропагандистт, довереннай лицат работайхт избирательнай участкатнень эса. Синь якайхт кудга, кочкесазь кудса аши ломатьнень, азонткшихт сянь колга, кие выдвинутай Верховнай Совету депутатоньди кандидаток избирательнай округь эзда, знакомят избирательхнень кандидаттнень биографияснон мархта. Ламоц кудтненьди и квартиратненьди васьнеца сась большевистский агитатор. И нят квартиратнень эса эряйхне кулхонткшнесазь агитаторхнень валснон необычайнай интерес мархта.

Важнай политический работа пашкотькшихт агитаторхне и пропагандисттне избирательнай участкатнень эсга.

Выборонь шить, 1937 кизонь декабрь 12-це шистонза, каждый избирательсь должен молемс избирательнай ящикть вакс, точнайста содамок выборхнень порядокснон.

Содамс избирательнай законтть, голосованиянь порядокть и техникать совершенно необходима. Минь избирательнай законьке—„СССР-нь Верховнай Совету выборхнень колга Положениясь”—полностью обеспечендакшнесы демократический началать и всякийсь тюждялгфнесы избирательти выборхнень эса участия. Голосованиянь порядоксь, конац установленнай законца пяк и пяк афсложнай. Но сембе тя аф сложностть должен содамс эрь избирательсь, сяс мес малейшай отступлениясь может помешать голосованию. Тяфта, например, кда избирательсь аф содасы, кда заполнять бюллетеньтнень, то может случиться, што сон бюллетененза улихт пашкотьфт афправильнайста и сон имафтсы эсь вайгяленц.

Лездомс избирательти уяснить каждаяи выборонь порядокть—задачась неотложнай. И абун койкона комсомольский работникне арьсихт, што избирательнай законтть азонткшнемац аделаф ни. Вдь нинга лама комсомолец, аф корхтамок афсоюзнай од ломатьтнень колга, аф содасазь кода эряви голосованиянь порядокть. И тининга можна васьфтемс тяфтама комсомолецт, конат арьсихт, што выборхне кармайтхт йотнема по месту работы, а аф по месту жительства. Сяс и эряви нинга лама работамс, штоба сембе содалезь избирательнай законтть.

„Комс. правда“.

ОРДЖОНИКИДЗЕВСКИЙ МЕТАЛЛУРГИЧЕСКИЙ ЗАВОДТЬ ТРУДЯЩАЕНЗОН ПУРОМКССОСТ

Аньцек прозвучал заводонь гудоксь, Орджоникидзевский металлургический заводть огромнай пирьфозонза мора и знамена мархта кармасть пуромома сталевархне, доменщикне, прокатчикне, транспортникне, инженерхне, техникне, домохозяйкатне. 12 тюжяньшка ломань пашкодезь заводской пирьфт. Орджоникидзевский избирательнай округонь избирательхне дружнайста приветствовандазь Союзонь Совету депутатоньди эсь кандидатснон, ВЛКСМ-нь ЦК-ть секретаренц

Александр Васильевич Косарев ялгать.

Эсь речьсонза бессмеровский цехонь начальниксь Мария Федоровна Домышевась азозе:

— Ялгат, мон горячо приветствую Ленинский комсомолть славнай руководителенц, Союзонь Совету минь кандидатонькеня Косарев ялгать, а Национальностень Совету—Застава ялгать и карма тама организованна сембе кода фкя голосовандома синь инк-сост.

Минь заводсонок об'явленной стахановский сталинский декада.

Анокламок выборхненьди, минь стахановский работаса няфтсась, што аноктама грудью отстаивать миньценя родинанькеня, аноктама победатненьди, аф ваномок народть презренный врагонзон проискаснон лангс. Странась требует металл! Минь кепетьсась миньценя производительностенькеня, макстама металл строительствати и оборонати.

Шумбра улеза большевистский партиясь!

Митингса яркай речьса выступил А. В. Косарев ялгась.

СССР-нь Верховнай Совету депутатоньди кандидатть

А. В. Косарев ялгать речец

— Сембе рабочайхненьди, работничатненьди, техникненьди, инженерхненьди, студентненьди, учительхненьди, домохозяйкатненьди, сембенди тиньдеенть, тяса присутствующайхненьди и тинь семиньтненьди, разрешите выразить седи ваксань паравал огромнай довериять инкса, конань тинь тейне оказали, выставив монь кандидатуразень Верховнай Совету депутатоньди.

Минь Ленинонь—Сталинонь великий партияньке, минь вожденьке и учителеньке Сталин ялгась тонафтыхт каждая большевикть эса дорожить народть довериянь мархта и оправдандамс тя довериять. Мон кода и каждаясь минь эздонок, аньцек великий партияти боецак. Сембе минь вийнеське Ленинть—Сталинть великий партиянь эса. Сембе минь вийнеське и аф сяськовоманьке Сталин ялгать гениальной, мудрой, руководстванц эса. (Бурнай аплодисментт „ура“ ивадема). Минь партияньке и Сталин ялгась касфтыхт и воспитандайхт сембен минь, создают сембе народти счастливый, зажиточнай, культурнай эряф (аплодисментт).

Рабочай и работница ялгат! Монь воспитандамань Ленинонь —

Сталинонь партияц. Мон стародань заслужить и оправдандамс сонь довериянь. Обязуюсь тинь инголент не отступать фкявок аськолкс Ленинонь—Сталинонь великий тевснон эзда. Обязуюсь инголипиянгия улемс большевистский партияти боецокс, Сталин ялгати вернай ученикокс (аплодисментт). Кажнай большевикть эряфоц заключается сянь эса, што сон тюри, тии счастья трудяй народти, сянь эса што сон тийсесыне, машфнесыне сембе сятнень, конат шорьсихт большевикненьди тиемс тя счастливый эряфть, сянь эса, штоба машфтомс, коряньнек таргамс народонь сембе вракнень, кодама ба маскаса синь афольхт кяшенья.

Минь партияньке, сембе советский народть активнай участиянь мархта, машть тапамост фашистский бандиттнень, троцкистско-бухаринский убийцатнень и шпиоттнень. Минь тянь карматама тиендема и инголипиянгия, ибо тапамок троцкистско-бухаринский бандиттнень, минь кемекстатама социализмать победанзон, машфсайнек народонь вракнень, тихтама счастья трудяйхненьди.

Минь партияньке, сембе советский народсь кармайтхт и инголи-

пяти апак сизек кемокстама аф сяськовикс Якстерь Армиять боевой мощенц. Каждаясь минь эздонок кармай тюрема сянь инкса, штоба тиемс нинга сяда неприступнайкс минь социалистический родинанькеня гражданонзон, штоба вракнень любой попыткасна нарушадондамс Советский границатнень целостьснон вятельхнень ба врагть полнай, окончательнай разгромти эсь территориясонза. Аньцек тяфта минь шарьхкоцась эсь задачанькеня родинать оборонанц укреплениясь, сембе мирса мирть инкса тюремаса эсь задачанькеня.

Ялгат, разрешите тинь нингевест седи вакса, поблагодарить моньдине довериянь оказаниянькс. Мон путса сембе виезень, штоба оправдандамс тя довериять. Карман нингев сяда лама и сядонга цебарьста работама партиять блангцты, Советский странань трудяйхнень благаснонды.

Шумбра улеза минь Ленинонь—Сталинонь партияньке!

Шумбра улеза минь учителеньке, вожденьке—Минь инь кельговикс Сталин ялгась!

(Бурнай авация, „Ура“ ивадема!)
„Шумбра улеза Сталин ялгась!“
„Интернациональсь!“

Оцю радостьса карматама голосовандама Отто Юльевич Шмидт, Иван Алексеевич Кузнецовть и Красовский Николай Викторовичть инкса

Ноябрь ковть 24-це шистонза Мордовский рабфаконь клубса ульсь васьнеце избирательнай участкань избирательсь пуромкс, коса ульсь 175 избирательхт,

Избирательсь Агапова ялгась Саранскяень кирпичнай заводста работничась эсь выступлениясонза корхтай: „теень 40 кизот, но мон вестеньге не испытывала тяфтама оцю радость, кодама тани. Тейнек максфт сембе праватне: трудити, ваймаматити и образованияти, конат кемокстафт Сталинский Конституциясь. Цьоразе тонафни летчикокс. Разве царский Россиять пингста моглиба монь идьне тонафнемс летчикокс? Мзьярдонга тя афоль уль. Декабрь ковть 12-це шине—СССР-нь Верховнай Совету

выборонь шине—мон максса эсь вайгялезень родинать инь цебарь ломанензон инкса—Отто Юльевич Шмидт, Иван Алексеевич Кузнецовть и Красовский ялгатнень инкса, СССР-нь Верховнай Совету депутатоньди кандидатокс тейнек аши минь великий вожденьке Сталин ялгась, конань непоколебимай руководстванц вельде минь сатомя тяфтама счастливый и радостнай эряф.“—Сяда тов корхтась Агапова ялгась.

— Мон Октябрьский революциять самс работакшнень кулакнень и помещикнень ширеса. Ашень няй аф отдых аф валда ши. Аньцек Октябрьский революциясь освободила минь, трудяйхнень, помещикнень и капиталистнень и кулакнень кабаласнон алда и макссь

тейнек счастливый радостнай и культурнай эряф. Декабрь 12-це шистонза—СССР-нь Верховнай Совету выборонь шиста мон максса эсь вайгялезень нят ялгатнень инкса, конат оправдали народть довериянь. Максса эсь вайгялезень Отто Юльевич Шмидт, Иван Алексеевич Кузнецов и Красовский ялгатнень инкса.

Пуромкссь примась резолюция, конань эса призывают 1-це избирательнай участкань избирательхнень СССР-нь Верховнай Совету выборонь шиста. Аккуратна самс и максомс эсь вайгяльснон родинать инь цебарь ломанензон инкса, конат беспредельно преданнайхт Ленинонь—Сталинонь партиять тевонц инкса. Дунаев.

ВЕСЕЛА И РАДОСТНАЙ КОЛХОЗНАЙ ЗАЖИТОЧНАЙ ЭРЯФСЬ

Царский Россиять пингста беднай крестьянствася ульсь загнаннай невежеский и бескультурнай эряфс. Сон ульсь лишенай политической эряфть эзда. Сон ульсь вынужденнай мимс эсь рабочей виенц кроважной кулакненьди и помещикненьди. Сон ульсь обиженный и некультурнай сяс, мес ульсь люпштаф кровавай кулаккый лапатнень алу. Крестьянонь идтьненьди ашеть максе условият тонафнемс. Бедняккый крестьянонь идтьне ульсь стая жа вынужденнайхть работакшнемс кулакненьди. Трудовой крестьянствася эрясь оцю нужаса, вачеда и сельмяведь потмоса. Сон ульсь вачеда сяс, мес модац ульсь кулакнень и помещикнень кядьса.

— Ульсь эряф, мзярда беднай крестьяннень пощадафтома эксплуатировандакшнез кулакне и помещикне. Ульсь эряф, мзярда беднай крестьянц морсезе эсь аф кирьдемшка горянц. Ульсь эряф, мзярда сон иденза якасть кяпе, пцтай крхтапа и палес вачеда. Сась пингя, мзярда тя эряфть Октябрьский Социалистический революциясь машфтозе прахонцка. Сась пингя, мзярда беднай крестьянть лангста валксть сембе аф кирьдемшка сталмотня. Сась пингя, мзярда сон идензонды максфт прават образованияти. Сась пингя, мзярда беднаень идтьнень эзда лиссть инженерхт, техникт, учительхт, драматургт и стак тов. **корхтай Иван Исаевич Егоркин ялгась.**

Егоркинть цюрац Иван Ивановичь служай славнай доблестнай Якстерь Армияса. Социалистический границатнень арелямаснон инкса правительствася сон казье высшай наградаса—Ленинонь орденца.

Счастливай и радостнай эряфть инкса колхозникне азондыхть партияти, правительствати и кельгома Сталин ялгати оцю благодарность.

Адамкин.

Кадошкинань район.

Васясь оправдандасы народть довериянц

Васясь содасы сембе районц, сембе республикась, кода цебарь стахановецонь, Васясь лац содаса монга,—корхтай комсомолецс Серебряковсь. Мон сонь содаса кода цебарь стахановецонь, кода цебарь комсомолецонь. Сон путнезе и путнесы сембе виенц сянь инкса, штоба кепедемс трудонь производительность. Теенза аф кржа савсь тюремс предельщикнень каршес, конат старандасть люпштамс стахановский работать. Комсомолецс-стахановецс эсь примеронц мархта няфтезе, кода эряви работамс, штоба оцюда вельф пашкодм производственной норматнень.

Национальностень Совету кочкаматнень коряс Темниковань округонь избирательхне ашеть эльбядь, выдвигандамок Чепавевть кандидатуранц Верховнай Совету депутатоньди.

Минь надиятама, што сон оправдандасы народть довериянц



Василий Николаевич Чепавевсь

Верховнай Совету депутатоньди кандидатс

Василий Чепавевсь

Чепавев Василийсь, Темниковань районца „Красная Роза“ бумажнай фабрикай известнай стахановецон. Странаньке кассь, пяк и пяк виелгоц, сонь мархтонза марса кассь и Вася Чепавевсь. Васясь фабрикаса стахановский движениять инициатороц, беднай крестьянонь цюра. Василийсь пяк увереннай эсь виенцты, смелай, деятельнай, энергичнай од ломань, комсомолец, конань воспитандазе Ленинонь—Сталинонь партияц и Ленинский комсомолсь.

1917 кизоня Василий Чепавевти ульсь аныцек 10 кизот. Проклятай царский Россиять колга сон имеет смутнай представления—туманно представляет, урядникть, помещикнень образнон, конат пощадафтома угнетандакшнез беднейшай населениять.

Чепавев ялгати кандидатуранц Национальностень Совету депутатоньди васендакиге выдвинули „Красная Роза“ фабрикань рабочайхне. Василийть содасы сембе районц, сембе республикась, кода лучшей стахановецонь. Чепавевсь прославилсь пингть, мзярда партиясь, рабочей классть лучшей

ломанензон лезкснон мархта ушедсь синнемоств сире норматнень, мзярда большевиконь партиясь ватьсь наступления предельщикнень каршес, мзярда сембе Союзть эзга волнакс срадсь стахановский движениясь.

Тя пингть од Чепавевсь оцю гордостьса и радостьса кармась тюрема стахановский трудть инкса, няфтезе личной примерса, кода эряви работамс, кода эряви машини эзда выжимать сянь, мезе сон может максомс. Василий Чепавевсь содазе, што сон, кода комсомолец должен модемс инголи. Сон оказался инголе и вьтезень эсь мельганза профессияс коря ялганзон и другонзон.

Инголи сонь ялганза—мастерхне—кирнесть мархтоств кафта подручнайхть. Васясь лувозе тянь лишнайкс. Сон кац мархтонза фкя подручнай, ушедсь работама колма станокса, ушедсь ламода вельф пашкоткшнema производственной норманц и максома цебарь продукция.

Од мастерсь шидашис систематически цебарьгафнезе эсь работанц, сязеньдезе вень удомаи

СПАСИБА СТАЛИН ЯЛГАТИ СЧАСТЛИВАЙ И РАДОСТНАЙ ЭРЯФТЬ ИНКСА

— Кие царский Россиять пингста арьсесь, штоба рабочаень и беднай крестьянонь од стирнясь получаль прават трудти, ваймамати и образованияти? Эста рабочаень и беднай крестьянонь од стирнясь эсь од пингстонза коськеньц помещиконьди и кулаконьди работаць. Кизонек тьялонек работаць кулаконьди, а эсь лангоц ашезь шакшнез, ашезь карсекшнез.

Аныцек Октябрьский Социалистический революциясь валхтозень сембе сталмотнень трудящай ломатьнень лангста. Аныцек Октябрьский революциясь максозень рабочаень и беднай крестьянонь стирняти сембе политический праватнень. Сонь тяни улихть праванза: трудти, ваймамати и образованияти, конат кемокстафт Сталинский Конституцияса.

Троцкистско-бухаринский гадинатне и синь пособниксна йораст шарфтомс минь Социалистический страназнок меки капиталистический гнетть. Синь эсь вийснон направляндакшнез сяньди, штоба террорса разложить минь славнай Ленинско—Сталинский коммунистический партиянькень. Нат мерзавецне тиеньдсть крушеният

поездтненьди, шавондсть стахановецт и отравляли рабочайхт.

Троцкистско-бухаринский гадинатне йорасть радостнай эряфть эзда лишить и монь. Тиемок лангозон покушения, йорасть оторвать монь советский радостнай эряфть эзда, но монь партиясь и правительствася ашемань кад.

Тяни монь кучемазь Крыму лчиндама.

Аш стама валне, штоба азомс партияти и правительствати эсь преданностезень, аш стапт валне, штоба азомс народонь вракненьди и синь пособникснонды пяк оцю эсь ненавистезень.

Эрян радостнайста веселайста. Тяся лямбе, якатама эшляма. Советский Союзть сембе уголоконзон эзда тяся ваймосихть радостнай од ломатть. Минь кода фкя семья якатама марса прогулкас и стак тов.

Декабрьть 12-це шистонза мон эсь вайгялезень максса партияти инь лучшей цюранзон и стирензон инкса.

Спасибо Сталин ялгати счастливай и радостнай эряфть инкса!

Комсомольский пара вал мархта Вера Купцова.

Крым.

Стирнятне приветствовандазь Верховнай Совету депутатоньди выдвинутай эсь кандидатснон

Ноябрьть 25-це шистонза Рузаевкань районца ульсь йотафть од стирнянь пуромкс. Пуромксса присутствовандась 177 стирнят. „Верховнай Совету выборхненьди анокламань работась и тя работаса од стирнятнень задачасна“—докладта меле, стирнятне активна пренияса выступали, азондомок счастливай Социалистический страна эсь радостнай эряфснон.

Пренияса сембе выступающайхне приветствовали Верховнай Совету выдвинутай эсь кандидатураснон.

Верховнай Совету депутатоньди кандидатс Ларионов—Еськин ял-

гась азсь оцю спасибо эсь од избирателензонды.

Пуромксс кода фкя присоединяется Казанский избирательнай округонь сембе избирательхненьди, сянь инкса, штоба декабрьть 12-це шистонза максомс, кода фкя эсь вайгяльснон Арктикань завоеватель, Советский Союзонь легендарнай Геройть **Отто Юльевич Шмидт** ялгати инкса.

Пуромксс оцю радостьса приветствовандазе Саранск ошень избирательхнень митингснон эзда кельгома вожденькеньди и учителькеньди **Сталин** ялгати съормать.

Машиков.

Рузаевский район.

технический занятияненьди. Модемс цеху, сон старандась внимательна вникнуть тесть существованцты, стреминдась, штоба лац тонадомс машинать.

Чепавевсь принадлежит стама ломанень лувксти, конат мзярдонга аф ашихть фкя вастса, синь непременно должетт шаштомс инголи, касомс, совершенствовандамс. Синь валсна не расходуются тевснон мархта. Нат ломатьненьди эрь шись должен кандомс мезевон од.

Комсомолец—стахановецть отличительнай свойстванза—смелостьсь и большевистский напористостьсь. Смелостьсь теенза лездсь совершенствовандамаса. Сон теенза лездсь арамс стахановский движениять эса инициаторкс, сон путсь эсь инголенза задача, штоба кажной станоксь максоль колмоксть сяда лама продукция чем максес инголи, сон лездсь теенза устойчивайста инголи модемаса.

Фабрикань рабочайхнень йоткса Василийсь лувондови авторитетнай рабочайкс.

Коста жа сась Василий Ивановичти тьяфтама вийсь, кона макссь теенза возможность храбрайста преодолевандомс сембе трудностьнень и неустанно модемс инголи? Тя вийть теенза максозе большевистский партиясь и Ленинский комсомолсь.

Васясь шачсь беднай крестьянонь семьяс, конатнень веками угнетал царский стройсь. Васясь йомластакиге лишился родительда и эрясь 1930 кизоти самс бабанц воспитанияса. 76 кизоса Елена Ивановнась, конай воспитандазе Васянь корхтай тьяфта: „Васянь аляц 1914 кизоня ульсь фронтца и пленца. Самок куду, сон курок кулось. Мон сявине Васянь эсь ширезон. Стака ульсь эряфоньке. Мон улень тьяфтажа беднай, кода и Васянь аляц, но мон путнине сембе виезень, штоба касфтомс Васянь.

А тяни тиньц нийсась—гордость мархта азозе Елена Ивановнась—сон ударник-стахановец, фабрикань инь цебарь работникоц и цебарь работанкса сонь выдвинули Верховнай Совету депутатоньди кандидатокс.

Мон горжусь эсь воспитаниязень мархта и ламода благодарнайн Ленинский комсомолти, конай воспитандазе Васянь коммунистический духса“.

1930 кизоня Васясь решилсь модемс производствав. Васенда сон работась Негресстройса (Горьковский областсь), а меле йотась Кондоровский „Красная Роза“ бумажнай фабрикань. Работамок подручнайкс Васясь оцю энергиясь тюрсь сембе трудностьнень каршес, штоба кепедемс трудонь производительность, и сон тянь тиезе, (Поладксоц 3-це страницаса).

МАКССАСЬК ЭСЬ ВАЙГЕЛЕНЬКЕНЬ СЕРГЕЙ ВЛАДИМИРОВИЧ ИЛЮШИН ЯЛГАТЬ ИНКСА



Сергей Владимирович Ильюшин — орденосец, Менжинский лемса авиационной заводу главной конструктор (Моску). Баллотуруется Национальностень Совету кочкаматнен коряс Рузаевский избирательной округа.

ВАСИЛИЙ ЧЕПАЕВСЬ (ПОЛАДКСОЦ)

1936 кизоня Васясь йотась мастяркс йотамок мастяркс, васендакиге ушедсь синнемост сире норматнен. Кота ковань васень техминимумть сон максозе на хо рошо, а омбоце ниле ковань техминимумть максозе на отлично. Тядя меле Васясь кармась машинань работафтомонза станя, кода сон ашесь работахне инголе.

Интереснай моменток арси ся, конач няфнесы Васясь преданностен коммунистический партияти и советский народти. Ушedomокшобдава работама, Васясь нийсы, што фкя станокса жидкостьсь аф моли. Теенза не хотелось лоткафтомс станоксь. Сон сувась станокть алу и ушедсь аропнемонза отверстиять, кувания должен шудемс массась. Мзярда сон ароптозе отверстиять сонь лангозонза пяресь ниле тьожятт килограмма масса, конач фактически лифтезе сонь стройста. Но Васяти не хотелось аердомс работама. Сон нарнезе одежанц и арась меки станокзон вакс, и максь продукцияда сяда лама, чем саволь максомс.

Вов кодама ломатть воспитандакши Ленинонь—Сталинонь партиа. Нят ломаттьне аф ужальцазь если эряви эсь эряфсонга общественной тевть инкса, социализмать торжестванц инкса.

Фимин Яков Егоровичсь, конач работай фабрикаса 51 кизось Васясь колга корхтай тяфта:

„Васясь од ломань, конанц воспитандазе Ленинонь—Сталинонь партиа. Мзярда ушедсь стахановский движениась, Васясь васенда-

киге арась инициаторкс тя тевса. Сон кадсь мархтонза фкя подручнай и ушедсь работама колма станокса и кармась максема лама и цебарь продукция. Шарьхкодесть тиньць, коначкава оцюда сон крьфтазе продукциять себестоимостенц. Мон васеньцесь карман голосовандама Ленинонь—Сталинонь партианц воспитанионц инкса, Ленинский комсомолть воспитанионц инкса фабрикаса стахановский движениять инициаторонц инкса—Чепаев Василийть инкса“.

Лама тяфтама прекраснай отзывда можна кулемс фабрикань рабочайхнен ширьде Васясь колга. Но нинге сяда лац няфнесы сонь преданностенц эсь родинанцы, комсомолець-большевикть соньцен отзывоц—родинанц колга, конач воспитандондазе, тонафнезе и касфтозе сонь:

„Родинась! Тя монь великай могучай страназе, тя монь многонациональней стосемидесяти миллионнай народозе, тя монь большевистский партиазе, Ленинский комсомолозе, тя монь непобедимай Якстерь Армиязе.“

Мон келькса эсь родиназень сянка, што сон максь мирти величайшай ломатть—Ленинонь и Сталинонь. Мон келькса эсь родиназень сянка, што сон монь воспитандамань и воспитандасыне монь радостнай идьненц“.

Кода гордаиста звучат ня валхне, што „мон—Советский Социалистический республикать гражданионанц“

Л. С. Тишкин.

НАЦИОНАЛЬНОСТЕНЬ СОВЕТУ ДЕПУТАТОНЬДИ КАНДИДАТСЬ

КОНСТРУКТОРСЬ ИЛЮШИНЦЬ

Сергей Владимирович Ильюшин—сембеда смелайсь и талантливый авиационный конструкторхнен эзда. Ильюшинть конструкторский мыслянц ясностец, сонь настойчивостец, оцю практический опытонц мархта и теоретический кели кругозоронц мархта беспримернай работац теензатись заслуженнай авторитет авиационной промышленностень рабочайхнен и специалисттнен йоткса.

Ильюшин ялгась, ашувонь-крестьянинонь цюрась, йотась эряфонь стака школа. Нингя цюранякс сон работась землекопкс, черно-рабочайкс, получакшнесь 10 цалковайхть ковти. Сяда меле ульсь табельщикокс, строителикс, смазчикокс. Ильюшинц, конач мобилизовандаф 1914-це кизоня армияв, фкя киза пядеда меле повсь аэродромнай командав. Сяда меле и ушеткшни, пожалуй, авиациять мархта сонь практический знакомствац. Ильюшинц, фкя авиационнай частьста омбоцес йотнемок, касфнезе эсь авиационнай квалификациянц, кась политически. 1918-це кизоня сон сувась коммунистический партиав.

1921-це кизоня сон ульсь командировандаф авиационнай инженеронь Институту, конач сяда меле реорганизовандаф Военно-воздушной академиякс. Вете кизода меле сон аделаде академиять. Ильюшинонь сяда мельден действительностец кемоста сотф опытной самолетостроениять мархта. Сон работась РКК-ть Военно-воздушной виензон научно-исследовательский Институтса, центральный аэрогидродинамический Институтса. (ЦАГИС-са). Мекольден ниле кизотнен пингста Ильюшин ялгась заводса, коса сон организовандазе и ащи руководителькс конструкторский бюроса.

Ильюшинонь лемоц кемоста сотф Советский Союза планеризмать виюста касоманц мархта. Сергей Владимировичсь максозень советский учебнай планерхнен васеньце конструкциясон. Планернай спортть развитияса оцю заслуганкса правительствась Ильюшин ялгать казезе Якстерь Звездань орденца.

С. В. Ильюшин конструкторти сембеда оцю детищак ащи известнай скоростной „ЦКБ-26“ самолетсь. Тя самолетть ланкса Ильюшинонь оцю ялгац пилотсь—орденосецсь В. К. Коккинаки ялгась тиезень эсь блистательнай, рекорднай, высотнай лиендеманзон „ЦКБ-26“—сь—тя машина, конач ащи сембеда современной требованиятнен уровеньца, конат лифневихть авиацияти. Сон лии пьак ичкози, пьак цебарь скороподъемностец и грузоподъемностец, пьак цебарь скоростец.

Самолетть строительстванц меле оцю мялса и заботливыйста вагондсть Орджоникидзе и Ворошилов и лична Сталин ялгатне. Ильюшинц волнения мархта лятфнесы Сталин ялгать мархта эсь фкя корхтаманц.

— Сталин ялгась монь кизефнемань самолетть конструкциянц, сонь качестванзон и возможностензон колга. Мон улень пораженной авиациять колга Сталин ялгать исключительнай познаниязон мархта. Сон максь теень несколько указаний и башка сявозь мяленц шарфтозе сян шире, коданя самолетть экипажец сможет воздуха кадомс машинать, кда ули авария. Сталин ялгась кулхондозе монь ответозень и азозе, што эряви обеспечендамс алу комотемать и тянка эривихть касфтомс самолетть нижний люконзон. Мон моленц бюров и эстакига озань расчеттнен ланкс, штоба пашкодемс Сталин ялгать указаниянц. Тяни люкне тифт одукс.

„ЦКБ-26“ самолетть йотафтфт испытаниянза марнек подтвердили машинать исключительнай качестванзон. Тянен пингоня конструкторсь аделаде скоростной од самолетть колга работанц. Од машинать конструировандаманц пингста Ильюшини савсь васьфтемс лама теоретический сталмот, сашендовсь решандамс сложнай проблемат, сьськондемс авиационнай лама работникнен консерватизмасон и узостьсон.

Самолетонь конструированияса оцю заслуганкса Ильюшин ялгать правительствась казезе Ленинонь орденца.

Л. Береговой.

(„Правда“).

Эряфсь веселай и радостнай

„Царский Россиять пингста монь ломанькса ашемазь лувонда. Эрив беднайста, куднязе ульсь апак вельхтак, урдазу. Мода теень максесь „царский законть“ коряс аныцек эсь лемозон да и сянге мишеньдине кулакненди. Видеста азомс, эсь лемозон модазе ашель. Сембе од эряфозень йотафтыне кулакненди работазь. Кода няеви, революцияда инголе трудовой народсь ульсь пьак и пьак униженный, пьак оскорбленный. Лама нужада, лама горяда няень,—корхтай Чевтайкин Михаил Григорьевичсь.“

Сась 1917 кизось. Великай Октябрьский революциясь сязезень рабский цепнен. Мордовский трудовой народсь, кода и сембе минь родинанькень народоц лиссь помещиконь и капиталистонь поработчениять эзда.

Тяни минь странасонк машффт национальной травлясь, Октябрь-

ский революциясь панчсь кели ки сембе национальносттненди светлай, культурнай эряфти.

Григоричть тяни лият азксонза, лият моронза. Сон аф арьси, што вандьен шити аш кшиц, сон аф арьси, што иденза аф лихтевихть вача шиста. Сонь моронза веселайхть и радостнайхть.

— Полафтсь эряфсь, полафтсь и работаськя. Эряфсь тяни радостнай и работамска весяла,—корхтай Григоричсь.

Колхозса Григоричсь работай честнайста и добросовестнайста. Цебарь работанц инкса сонь колхозонь правлениясь ламоксть казеньдезе питни вещаса.

1937 кизоня Чевтайкин ялгась ульсь МАССР-нь чрезвычайнай омбоце с'ездонь делегат.

И. Девин.

Шайговань район, Теризморга веле.

Оцю радостьса эсь вайгяленькень максаськ Отто Юльевич Шмидт, Иван Алексеевич Кузнецов и Николай Викторович Красовский ялгатнень инкса

Саранск ошень од избирательхнень пуромксста

Ноябрь ковть 29-це шистонза, Саранск ошень од избирательхне пуромсть эсь вечерозост. Сембоц вечерса ульсь 800 од избирательхт, конат продемонстрировали эсь великай преданностьсн и сплоченностьсн коммунистический партияти, народтнень другсннды и величайшай учительсннды **Сталин** ялгати.

Вию овация ала вечерть участниконза предложили кочкамс почетнай президиуму **Сталин, Молотов, Каганович, Жданов, Ворошилов, Калинин, Андреев, Ежов, Микоян, Чубарь, Косиор, Димитров, Тельман, Хозе-Диас и Косарев** ялгатнень. Кувать мольсь овациянь бурясь, сембе од избирательхне величайшай радостьса приветствовандазь народонь великай вождьт **Сталин** ялгати и сонь инь цебарь сора-никонзон.

Президиуму ульсь кочкафт СССР-нь Верховнай Совету депутатоньди кандидаттне: ВКП(б)-нь Мордовский обкомт секретаренц обязанностензон исполняющаец **Иван Алексеевич Кузнецов** ялгась, МДССР-нь государственнай безопасностень комиссарсь—полковниксь **Красовский** ялгась.

ВЛКСМ-нь Мордовский обкомт секретарец **Забродин** ялгась тийсь доклад, СССР-нь Верховнай Совету предстоящай кочкаматнень эса од ломаттнень участиясн

колга. Забродин ялгась азондозе кодама оцю радостьса Советский Союзонь од ломаттне аноклайтхт СССР-нь Верховнай Совету кочкаматненьди. Сон азондозе, кодама ужаснай эряфса эряйтхт капиталистический странава од ломаттне. Вдь лия странава фашистне потьнесазь од ломаттнень вярсн, юмафнесазь синь молодостьсн. Докладчиксь азондозе, кодама прекраснай, павазу, радостнай эряфсна од ломаттнень минь Социалистический странасонк.

Мзярда Забродин ялгась кармасть корхтама сян колга, што Социалистический родинасонк од ломаттне оцю радостьса кармайтхт голосовандама народтнень великай вождьсн **Сталин** ялгати инкса, сонь сора-никонзон инкса и Ленинонь—Сталинонь тевонцты преданнайхнень инкса, залса вечеронь участникне **Сталин** ялгати лемс тийсь бурнай овация, сембе участникне стяда приветствовандазь счастливый эряфонь максыть—великай **Сталин**тть.

Забродин ялгась подробнайста азондозень **Шмидт, Кузнецов**, ялгатнень биографиясн и корхтась **Красовский** ялгати колга.

— Минь сембе кода фкя карма-тама голосовандама **Отто Юльевич Шмидт, Иван Алексеевич Кузнецов, Николай Викторович Красовский** ялгатнень инкса.

Пренияса Шалдыбин ялгась корхтась: „Минь эрятама Сталинский Конституциянь странаса, минь улихт величайшай праваньке трудти, тонафнемати, ваймаматн. Спасибо минь великай вожденькеньди и учителенькеньди **Сталин** ялгати, конач макссь тейнек радостнай, счастливый эряф. Кда капиталистический странатне тийхт лангозонк нападения, минь сембе кода фкя мольхтма эсь социалистический отечестванькень арелямонза максаськ сембе виенькень и кда эряксты сембе эряфонькень великай Социалистический родинанькень инкса. Минь оцю гордость мархта эсь вайгяленькень максаськ **Шмидт Кузнецов и Красовский** ялгатнень инкса“.

Грызунов ялгась азозе, што сон кода од избиратель, тяде кармайт голосовандама васеньцеда.—Мон эсь вайгялезень максса **Шмидт, Кузнецов и Красовский** ялгатнень инкса.

Ковалев ялгась Мордовский раб-факть сембе студентонзон эзда азозе, што синь сембе, кода фкя эсь вайгяльсн максса **Шмидт, Кузнецов и Красовский** ялгатнень инкса.

Тя пуромксса выступил Национальностень Совету депутатоньди кандидатсь **Николай Викторович Красовский** ялгась.

Испанияса

фронттнень эзга (ТАСС-ть сообщениянзон коряс)

Центральной фронтса

Мятежникинь самолетонь эс-кадрильясна бомбардировандазе ноябрь 29-це шистонза Пералесе де Тахунья веленять. Лувондовихт ниле шавфт и кефкие ранендафт. Мятежникинь самолетсна ноябрь 29-це шистонза тисть налет Алькала де Энаресть (Мадридт) эзда северо-восток ширеса) и Барахасть лангс. Воздушнай бойть вельде, конань эса республиканский 18 истребительхт мятежникинь 23 самолеттнень каршес, фашистский самолеттне вынужденнайхт ульсь воргодемс.

Пачкодемк Гвадалахарав, фашистский самолеттне одукс бомбардировандазь ошт. Срафтфт лама кудт, срафтфнень алда таргафт 37 кулот и 50 лама раненайтхт.

Восточная (Арагонский) фронтса

Республиканский авиациясь, получамок сведения тсян колга, што Альмудевар веленяса молихт мятежникинь концентрациясна, бомбардировандазе оцю эффективность зданиятнень, конатнень эса ульсь фашистский частьне.

Республиканский авиациясь бомбардировандазень военной объектнень Калатийюдса, а тятга жа Дарокаса, Теруэласа и Атекаса, конат ащикт мятежникинь войска-тненьди канцентрациянь центркс.

Машфтомс политический беспечностть

Партиясь и минь **Сталин** ялганьке аф весть указывали, што эряви машфтомс политический беспечностть, и благодушить. Но кой-кона партийно-комсомольский организациянь руководителхне илякшихт нинге тичимс рна столько беспечнайкс и наивнайкс, што нльня аф нийса эсь нярь алдост вракнень и синь пособниксн коварнай действиясн. Тянь сюнеда кой-кона руководящай вастненьди повондыхт политически аф надежной ломатт.

Чамзинкань районца Киржеман велеса участковой избирательнай комиссиянь секретарькс кочкаф Битьмаевсь, конани личностец вызывает сомнение. Битьмаевсь эряй квартираса Барановт ширеса. Кие стамсь Барановсь? Баранов Василийсь 1918 кизоня шавсь кафта комбедонь работник, Мартынов и Никин ялгатнень. 1929 кизоня организовал кулацкий саботаж, партиять и правительствать мероприятиязон каршес. Старшай цюрани Григорийт вражеский работанкса арестовандазь НКВД-нь оргатне.

Битьмаевсь работамок Киржеман велеса учителькс, защищал народонь вракнень Барановнень. Баранов Григорийт мархта марса расхищали горючай.

Тяда башка Битьмаевсь ходотайствовандас Барановт стиренц—Юлять Мордовский пединституту восстановления инкса, конач ульсь паньф школаста. Битьмаевт родноенза кирьдсть Атяшеваса магазин.

Чамзинкань районнай руководителхне допустили политический слепота и кемокстазь участковой избирательнай комиссиянь секретарькс.

Французов.

НАЦИОНАЛЬНОСТЕНЬ СОВЕТУ ДЕПУТАТОНЬДИ КАНДИДАТТЪ КРАСОВСКИЙ ЯЛГАТЬ РЕЧСТОНЗА

(Саранск ошень од избирательхнень пуромксста)

Ялгат,—азозе Красовский ялгась,—мон пяк радан, што монь васеньце выступлениязень тийса од избирательхнень инголе. Мон тсяа ломаньць одан, но тичиень шить эзда сявомок ульхтма цебарь ялгакс.

Сяда меле Красовский ялгась нюрхиянста азондозе эсь биографияни.

— 15 кизоста сявомок тунь доброволецокс Якстерь Армияв. Гражданский войнать пингста участвовандань Каспийт, Азербайджант освобожденияса. 1924-це кизоня мон служань Туркменский Республикати границаса. Якстерь Армияса эсь службазень ушедыне рядовой якстерьярмеецста, а тияи мон полковникан. (Аплодисментт). 1934-це кизода инголе участвовандань минь Союзонькень неприкосновенностенц ванфтоманц колга лама боевой операцияса, заслу-

ганкса улень казф Туркмениань Якстерь Знамянь ордена и СССР-нь Якстерь Знамянь ордена. (Аплодисментт).

СССР-нь Верховнай Совету предстоящай выборхне молихт атак марьсек под'емонь, массатнень политический активностень обстанов-каса. Минь пожинаем успехонь плотнень, конат сатфт **Сталин** ялгати руководстванц вельде.

Тееньть, од ломаттненьди панчфкись эряфти, тинь ашесть марья капиталистический строень ужаснень. Тинь тьякса обязаттада партияти.

Минь Советский Союзоньке заньци земной шарть 1/6 пьляксонц. Минь окружают вракне, конат всякай лаца старандайтхт сяземс социалистический строительствань успехнень.

Тейнек рана али позна сави васседемс капиталистнень мархта,

сави тюремс синь каршезост и сяськомс синь, штоба революциясь сяськоль ба сембе мирса. Од ломаттненьди сави участвовандамс тя войнать эса. А пока од ломаттнень касфнесазь социалистический строительствань успехнень. Минь странасонк од ломаньда 40%, минь од ломаненьке молихт коммунистический партиять мельга, синь ащикт оцю вийкс, кона аф пели сталмода. Минь сембе странаньке моли ВКП(б)-ть мельге (Аплодисментт), декабрь 12-це шиня макссы эсь вайгяленц **Сталин**тть, сонь сора-никонзон—ЦК-нь четтнень инкса и инь цебарь ломаттнень инкса.

Од ломаттнень политический сознательностен мархта демонстрировандасазь эсь кельгомасн коммунистический партияти. **Шумбра улеза ВКП(б)-нь ЦК-сь! Шумбра улеза кельгома вожденьке Сталин** ялгась!

Избирательхне Отто Юльевич Шмидт колга Сон достойнай СССР-нь Верховнай Совету

Ноябрь 27-це шистонза 15-це № избирательнай участкань избирательхне избирательнай участка проверендазь эсь спискасн. Избирательхнень мархта беседада меле, синь кармасть азонткшема сире царский Россия пингста варварский эряфт колга.

— Сисем кизот Гихондрова кулакнень пале работань нянькакс. Сяда меле мон улень вынужденнай мимс эсь рабочей виезень Плетнев помещикти. Плетнев помещикт ширеса работань кафта кизот. Кафта кизонь работамазень инкса тейне рамась анышек ботин-

кат, а ярмакса фкявок трешник ашезь макссе. Эряфсь эста ульсь пяк и пяк стака. Аватне ульсь лишенайт политический эряфт эзда. Синь ашель правасна государственнай органу выборхнень йотафтомасн эса, ашесть макссе прават кочкамс аватнень государственнай аппарату.

Тяни минь эрятама свободнай и счастливый эряфса. Валкс лангс-тонок царский Россиянь варварствась. Мон эсь вайгялезень максса Арктикати завоевателени, Советский Союзонь Геройт **Отто Юльевич Шмидт** инкса. Сон достойнай

СССР-нь Верховнай Совету и сон может управлять Советский Союзт государственнай аппаратонц мархта—корхтай М. Николаев ялгась.

Сембе выступающайхне оцю радостьса азондозь, што **Отто Юльевич Шмидт** ялгась партиять вернай цюрор и сонь инксонза минь сембе, кода фкя максаськ эсь вайгяленькень.

А. Н. И.

Саранск ош.

Ответ. редакторсь П. ЕЖОВ.

Упол. Главлито № Д—131. Заказ № 3971. Тираж 2937.

г. Саранск, тип. „Красный Октябрь“.